



EXCMO. CONCELLO DE
BAIONA

CERTIFICADO

Expediente núm.:	Órgano colexiado:
XGL/2025/34	A Xunta de Goberno Local

D.JACOBO BARREIRO PIMENTEL, SECRETARIO XERAL DO EXCMO.CONCELLO DE BAIONA
(PONTEVEDRA)

CERTIFICO:

Que, pola Xunta de Goberno Local, en sesión ordinaria celebrada o día 12 de novembro de 2025, adoptouse, por unanimidade, o seguinte acordo:

URXENCIA.-

De conformidade co artigo 91.4 do ROF polo Sr.Alcalde se somete a votación a Urxencia do seguinte punto, resultando aprobado por unanimidade.

18.- Expediente 3938/2025. URXENCIA.- Procedemento Xenérico

ANTECEDENTES:

No Anexo de Subvención e nas Bases de Execución do Orzamento Xeral de 2025 figura una subvención nominativa de 19.500 € a favor da Asociación Club de Fútbol Erizana (G36733970) para o desenvolvemento do proxecto PROMOCIÓN DO DEPORTE ESCOLAR, con unha dotación de 19.500 € na aplicación orzamentaria 342-48901.

Con data 20 de outubro 2025 emítase informe polo Técnico de Deportes sobre a proposta de convenio: *"En base a todos los antecedentes y consideraciones anteriormente detallados, se informa favorablemente el otorgamiento de subvenciones directas al ERIZANA CF, con cargo a la*



partida que con ese fin está reservada y aprobada en el presupuesto municipal vigente, a cuyos efectos se propone la suscripción del Convenio de Colaboración que se adjunta.

Y para ello en el presente Informe-propuesta queda analizada su necesidad y oportunidad, su impacto económico, el carácter no contractual de la actividad en cuestión, así como el cumplimiento de lo previsto en la Ley 40/2015 LRJSP.

Se informa asimismo que procede para la tramitación del expediente y ulterior aprobación por el órgano competente:

Como contraprestación a las actividades de promoción, formación desarrollo y preparación de las Escuelas de Fútbol Base y categorías inferiores, se establece una aportación del Concello de Baiona, por importe de 19.500 €: diecinueve mil quinientos euros con cargo a la aplicación presupuestaria 342- 48901 del Presupuesto del Concello de Baiona de para 2025".

Con data 30 de outubro de 2025 asinase a proposta de convenio a formalizar coa devandita asociación pola Concelleira de Deportes, e remítese para a súa fiscalización.

Con data 10/11/2025 emítese por Intervención informe nº 2025-0053, con nota de reparo en materia de ingresos

FUNDAMENTOS XURÍDICOS:

Primeiro.- O artigo 47 da Lei 40/2015, do Réxime Xurídico do Sector Público, sinala:

"1. Son convenios os acordos con efectos xurídicos adoptados polas Administracións Públicas, os organismos públicos e entidades de dereito público vinculados ou dependentes ou as Universidades públicas entre si ou con suxeitos de dereito privado para un fin común. Non teñen a consideración de convenios, os Protocolos Xerais de Actuación ou instrumentos similares que comporten meras declaracións de intención de contido xeral ou que expresen a vontade das Administracións e partes subscritoras para actuar cun obxectivo común, sempre que non supoñan a formalización de compromisos xurídicos concretos e esixibles. Os convenios non poderán ter por obxecto prestacións propias dos contratos. En tal caso, a súa natureza e réxime xurídico axustarase ao previsto na lexislación de contratos do sector público.

2. Os convenios que subscriban as Administracións Públicas, os organismos públicos e as entidades de dereito público vinculados ou dependentes e as Universidades públicas, deberán corresponder a algún dos seguintes tipos:

c) Convenios asinados entre unha Administración Pública ou organismo ou entidade de dereito público e un suxeito de Dereito privado."

Pola súa banda o artigo 48 da devandita lei sinala:

"3. A subscrición de convenios deberá mellorar a eficiencia da xestión pública, facilitar a utilización conxunta de medios e servizos públicos, contribuír á realización de actividades de utilidade pública e cumprir coa lexislación de estabilidade orzamentaria e sustentabilidade financeira.

4. A xestión, xustificación e resto de actuacións relacionadas cos gastos derivados dos convenios que inclúan compromisos financeiros para a Administración Pública ou calquera dos seus organismos públicos ou entidades de dereito público vinculados ou dependentes que o



subscriban, así como cos fondos comprometidos en virtude dos devanditos convenios, axustaranse ao disposto na lexislación orzamentaria.

5. Os convenios que inclúan compromisos financeiros deberán ser financeiramente sustentables, debendo quen os subscriba ter capacidade para financiar os asumidos durante a vixencia do convenio.

6. As achegas financeiras que se comprometan a realizar os asinantes non poderán ser superiores aos gastos derivados da execución do convenio.

7. Cando o convenio instrumente unha subvención deberá cumprir co previsto na Lei 38/2003, do 17 de novembro, Xeneral de Subvencións e na normativa autonómica de desenvolvemento que, no seu caso, resulte aplicable. Así mesmo, cando o convenio teña por obxecto a delegación de competencias nunha Entidade Local, deberá cumprir co disposto en Lei 7/1985, do 2 de abril, Reguladora das Bases do Réxime Local.”

Respecto ao contido dos convenios, sinala o artigo 49 da citada norma:

“os convenios aos que se refire o apartado 1 do artigo anterior deberán incluír, polo menos, as seguintes materias:

a) Suxeitos que subscriben o convenio e a capacidade xurídica con que actúa cada unha das partes.

b) A competencia na que se fundamenta a actuación da Administración Pública, dos organismos públicos e as entidades de dereito público vinculados ou dependentes dela ou das Universidades públicas.

c) Obxecto do convenio e actuacións a realizar por cada suxeito para o seu cumprimento, indicando, no seu caso, a titularidade dos resultados obtidos.

d) Obrigacións e compromisos económicos asumidos por cada unha das partes, se os houberse, indicando a súa distribución temporal por anualidades e a súa imputación concreta ao orzamento correspondente de acordo co previsto na lexislación orzamentaria.

e) Consecuencias aplicables en caso de incumprimento das obrigacións e compromisos asumidos por cada unha das partes e, no seu caso, os criterios para determinar a posible indemnización polo incumprimento.

f) Mecanismos de seguimento, vixilancia e control da execución do convenio e dos compromisos adquiridos polos asinantes. Este mecanismo resolverá os problemas de interpretación e cumprimento que poidan exporse respecto dos convenios.

g) O réxime de modificación do convenio. A falta de regulación expresa a modificación do contido do convenio requirirá acordo unánime dos asinantes.

h) Prazo de vixencia do convenio”



E o artigo 50 esixe: “1. Sen prexuízo das especialidades que a lexislación autonómica poida prever, será necesario que o convenio se acompañe dunha memoria xustificativa onde se analice a súa necesidade e oportunidade, o seu impacto económico, o carácter non contractual da actividade en cuestión, así como o cumprimento do previsto nesta Lei.”

Segundo- No relativo á normativa de subvencións, no eido estatal, a Lei 38/20003, de Subvencións sinala no seu artigo 22 a posibilidade de conceder subvencións nominativas ao establecer:

“2. Poderán concederse de forma directa as seguintes subvencións:

a) As previstas nominativamente nos Orzamentos Xerais do Estado, das Comunidades Autónomas ou das Entidades Locais, nos termos recolleitos nos convenios e na normativa reguladora destas subvencións.

A efectos do establecido no parágrafo anterior, enténdese por subvención prevista nominativamente nos Orzamentos Xerais do Estado aquela en que polo menos a súa dotación orzamentaria e beneficiario aparezan determinados nos estados de gasto do Orzamento. O obxecto destas subvencións deberá quedar determinado expresamente no correspondente convenio de colaboración ou resolución de concesión que, en todo caso, deberá ser congruente coa clasificación funcional e económica do correspondente crédito orzamentario.

b) Aquelas cuxo outorgamento ou contía veña imposto á Administración por unha norma de rango legal, que seguirán o procedemento de concesión que lles resulte de aplicación de acordo coa súa propia normativa.

c) Con carácter excepcional, aqueloutras subvencións en que se acrediten razóns de interese público, social, económico ou humanitario, ou outras debidamente xustificadas que dificulten a súa convocatoria pública.”

Pola súa banda, no eido autonómico, a Lei 9/20007, de 13 de xuño, de Subvencións de Galicia, a cal inclúe no seu artigo 3 dentro da súa aplicación ás entidades locais de Galicia, sinala no seu artigo 26 que:

“1. A resolución de concesión e, no seu caso, os convenios a través dos cales se canalicen estas subvencións establecerán as condicións e compromisos aplicables de conformidade co disposto na presente lei. Os convenios serán o instrumento habitual para canalizar as subvencións previstas nominativamente.

2. As propostas de acordo ou resolución de concesión, ou o instrumento do convenio que se autorice a subscribir, haberán de axustarse ás previsións contidas na presente lei, salvo no que afecte á aplicación dos principios de publicidade e concorrência, e conterán como mínimo os seguintes extremos:



a) Definición do obxecto das subvencións, con indicación do carácter singular das mesmas e as razóns que acreditan o interese público, social, económico ou humanitario e aquelas que xustifican a dificultade da súa convocatoria pública.

b) Réxime xurídico aplicable.

c) Beneficiarios e modalidades de axuda.

d) Réxime de xustificación da aplicación dada ás subvencións polos beneficiarios e, no seu caso, entidades colaboradoras.

3. A concesión de subvencións por importe superior a 150.000 euros, ou o que determinen as leis anuais de orzamentos, requirirá a autorización previa do Consello da Xunta de Galicia.”

O Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia sinala en canto ao procedemento de concesión, no seu artigo 37:

“1. Consideraranse subvencións nominativas aquelas en que o obxecto subvencionado, a dotación orzamentaria e o beneficiario individualizado polo nome ou razón social aparecen determinados expresamente no estado de gastos dos orzamentos da comunidade autónoma.

2. O procedemento para a concesión destas subvencións iniciaráo de oficio o centro xestor do crédito orzamentario ao que se lle imputa a subvención, ou a instancia do interesado. O convenio será o instrumento habitual para canalizar estas subvencións. O procedemento rematará coa resolución de concesión ou o convenio. En calquera dos supostos previstos neste punto, o acto de concesión ou o convenio terán o carácter de bases reguladoras da concesión para os efectos do disposto na Lei de subvencións de Galicia. A resolución, ou no seu caso o convenio, deberá incluír os seguintes extremos:

a) Definición do obxecto da subvención e dos seus beneficiarios, de acordo con o disposto na Lei de orzamentos da comunidade autónoma do correspondente exercicio.

b) Crédito orzamentario ao que se lle imputa o gasto e a contía da subvención, individualizada, no seu caso, para cada beneficiario, se fosen varios.

c) Compatibilidade ou incompatibilidade con outras subvencións, axudas, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou de organismos internacionais.



d) Prazos e modos de pago da subvención, posibilidade de efectuar pagos anticipados e pagos a conta, así como o réxime de garantías que, de acordo con o disposto neste regulamento, deberán achegar os beneficiarios.

e) Prazo e forma de xustificación por parte do beneficiario do cumprimento da finalidade para a cal se concedeu a subvención e da aplicación dos fondos percibidos.

f) Obrigación do reintegro, total ou parcial, da subvención ou da axuda pública percibida no suposto de incumprimento das condicións establecidas para a súa concesión.

g) Obrigación do beneficiario de facilitar toda a información que lle sexa requirida pola Intervención Xeral da Comunidade Autónoma, polo Tribunal de Contas e polo Consello de Contas no exercicio das súas funcións de fiscalización e control do destino das subvencións.

3. Cando a subvención sexa concedida mediante convenio e o importe sexa superior a 150.000 euros ou teña carácter plurianual, a aprobación do convenio requirirá de autorización previa polo Consello de la Xunta de Galicia, salvo que na lei de orzamentos dispóñase o contrario.”

Terceiro.- Respecto ao órgano competente para a concesión de subvencións, é a Xunta de Goberno Local, segundo Resolución de 19 de xuño de 2023 de delegación de competencias, e entre elas: “Aprobación das bases reguladoras de subvencións e resolución dos expedientes de concesión de subvencións.”

Cuarto.-Respecto á existencia de consignación orzamentaria existe no expediente documento contable RC de retención de crédito nº 13007 polo importe de 19.500 € na aplicación orzamentaria 342-48901 do Orzamento Xeral de 2025.

Esta Alcaldía, eleva á Xunta de Goberno Local a adopción do seguinte **ACORDO**:

Primeiro.- Aprobación do Convenio de Colaboración entre a Asociación Club de Fútbol Erizana (G36733970) e o Concello de Baiona, para a realización do proxecto: PROMOCIÓN DO DEPORTE ESCOLAR.

Segundo.- Autorizar e comprometer o gasto no importe de **19.500 €: dezanove mil cincocentos euros**, de conformidade co documento contable de retención de crédito nº 13007 na aplicación orzamentaria 342-48901 do Orzamento Xeral de 2025.

Terceiro-Remitir o acordo de concesión á Base de Datos Nacional de Subvencións, en cumprimento do sinalado no artigo 20 da Lei 38/2003 do 17 de novembro Xeral de Subvencións



Carto.- Notificar o presente acordo á Asociación Club de Fútbol Erizana (G36733970) para a sinatura do convenio, por canto, de conformidade co artigo 48.8 da Lei 40/2015, os convenios perfecciónanse polo consentimento das partes.

Vista a proposta de acordo obrante no expediente de referencia, que a Alcaldía eleva á Xunta de Goberno Local, ésta, por unanimidade, **ACORDA:**

Primeiro.- Aprobación do Convenio de Colaboración entre a Asociación Club de Fútbol Erizana (G36733970) e o Concello de Baiona, para a realización do proxecto: PROMOCIÓN DO DEPORTE ESCOLAR.

Segundo.- Autorizar e comprometer o gasto no importe de **19.500 €: dezanove mil cincocentos euros**, de conformidade co documento contable de retención de crédito nº 13007 na aplicación orzamentaria 342-48901 do Orzamento Xeral de 2025.

Terceiro-Remitir o acordo de concesión á Base de Datos Nacional de Subvencións, en cumprimento do sinalado no artigo 20 da Lei 38/2003 do 17 de novembro Xeral de Subvencións

Carto.- Notificar o presente acordo á Asociación Club de Fútbol Erizana (G36733970) para a sinatura do convenio, por canto, de conformidade co artigo 48.8 da Lei 40/2015, os convenios perfecciónanse polo consentimento das partes.

E para que conste, de orde e co V.º B.º do Sr. Alcalde, coa excepción prevista no artigo 206 do Regulamento de Organización, Funcionamento e Réxime Xurídico das Entidades Locais aprobado por Real Decreto 2568/1986, do 28 de novembro, expídese a presente.

DOCUMENTO ASINADO ELECTRONICAMENTE

